

Segun Minister Booshi Wever:

Un siguiente gobernacion sin MEP lo bira "un desgracia pa Aruba"

ORANJESTAD (AAN) — Tocante un pregunta di prensa, si tin garantia riba e continuidad di e proyectonan cu Minister di Salud Publico tin cu conclui prome cu e siguiente eleccion, en caso cu MEP lo no bin mas den gobernacion, e mandatario a expresa cu un siguiente gobernacion sin MEP "lo bira un desgracia pa Aruba". Riba e comentario di e miembro di prensa cu no ta husto di hinca tanto placa y energia riba proyectonan cu despues por keda para, Minister Wever a puntra si e reportero ta referi na proyectonan cu no a bay door y cu supuestamente e gobierno anterior a laga atras. El a califica e proyectonan ey como "fata morgama" pa cual nos pueblo a paga pero cu no tabata tin nada pa desaroya. E mandatario a indica cu gobierno anterior tambe a pone prome piedra pa Centro Medico San Nicolas, pero den gobernacion di MEP a sigui cu e proyecto pero den un otro concepto pasobra esun prome no tabata tin pia ni cabes. Pesey mester a traha un pro-


ject dossier completamente nobo y den tempo record, pa awe Aruba tin su Centro Medico. Minister Booshi Wever a agrega cu gobierno ta bezig cu e di dos fase di e centro cu ta e area di Cardiologia, y su esaki ta sigui cu e bon acogida cu tin actualmente, y si por yega na acuerdo cu Antiyas na unda lo bin un Centro di Oncologia, riba intercambio di pacient, esta cu pacient cu tin problema di curazon ta bin Aruba y esnan cu problema Oncologico ta bay Curacao, e proyecto aki por bira mas grandi. E dignatario no ta imagina su mes cu lo bin un gobierno cu lo stroba e continuidad di e proyecto aki y cu lo kier kite di San Nicolas. E no ta kere cu otro gobernacion lo stop esaki. Otro proyecto cu gobierno di MEP a sigui cune, pero di un otro manera, segun e mandatario, ta Parkietenbos.

Segun e dignatario ta un obligacion di gobierno pa percura pa e limpieza di nos pais, y esaki no por ta den man di hendenan particular, pasobra si dia di mañan e compania ta bati bancarota gobierno ta keda sinta den un situacion cu no tin truck ni nada, manera cas a sosode. Asina e titular di Salud Publico a indica. El a acentua cu pa siete aña largo ni un "chup" a worde cumpra pa Serlimar, pero ora Gobierno di MEP a sinta el a tuma e aspectonan bon di e proyecto anterior y a agrega su propio ideanan y awor por mira un plan cu ta cumpli cu e normanan internacional. Minister di Salud a señala, papiando pa su Ministerio y convenci cu esey ta e caso pa su coleganan tambe, no ta algo cu e como minister a sinta den un hoeki na su cas prepara, pero el a laga expertonan duna consejo y decisionnan a worde tuma

riba e consehonan di e expertonan cu a usa nan sano huicio, y cu bienestar di pueblo na pecho. "Pues si un gobierno cu ta dispuesto di tende for di otro

y kier traha na bienestar di e pueblo Arubano, mi no por imagina mi mes cu nan ta cambia di rumbo", Minister Wever a remarca.



WC di paloma banda di porta principal di oficina di Gobierno



ORANJESTAD (AAN) — E mahos bista cu por observa riba potret ta un cantidad enorme di sushi di paloma, cu tin nan WC na un huki na banda robes di e porta principal di Oficina di Gobierno (den e edificio cu diferente minister tin nan despacho). Net riba e muraya unda por mira e airconan por observa hopi paloma y e sushedad cu nan ta produci, cu ta duna bo "gana di saca". Diabierna atardi DIARIO

tabata pasando eybanda y a observa dos hende (ta parce bishitantenan) ta señala algo, anto curiosidad a lanta p'e wak kico e ta, y e ora ey a topa cu e mahos bista aki, cu ta un berdadero berguenza! Ohala gobierno lo pidi esnan concerni cu mantenimiento di e edificio pa haci e parti ey limpi, tanto abao riba vloer como riba muraya, pues bay laira pasa slang na halto, pasobra e bista ta enberdad mahos!

SIT ON THIS!!



COACH, REFEREE OF OFFICIAL DI BASKETBALL ALGO PABO?

Aruba Basketball Bond proximamente lo cuminsa cu sessionnan di **coach, referee** y **official** y ta buscando interesadonan. Sea cu ja bo ta forma parti di basketball caba, of bo kier cuminsa awor esaki ta bo oportunidad. Si bo ta interesa tuma contacto cu Aruba Basketball Bond via e-mail: basketball@hooparuba.com of na fax 583-7994 prome cu dia 31 di January. Nos lo tuma contacto cu bo pronto.



WE WANT YOU